

fuerit, per pinnam aut calamum scriptorium naribus sufflentur vel specillo tincto in aquam et excusso tacta naribus iniciantur. proritat sternutamentum etiam per se contusum et eadem ratione iniectum veratrum album. linguam enim nigram, siccam et aridam sternutatio statim inundat.

5 XI. Capitis dolorem quamvis veterem et intolerabilem protinus tollit et in perpetuum remediat torpedo nigra viva imposita eo loco, qui in dolore est, donec desinat dolor et obstupescat ea pars. quod cum primum senserit, removeatur remedium, ne sensus auferatur eius partis. plures autem parandae sunt torpedines eius generis, quia nonnumquam vix ad
10 duas tresve respondet curatio, id est torpor, quod signum est remedia-

tionis.

Ad comitiales morbum

XII. Ad comitiales morbum, quem Graeci epilepsiam vocant, herbam, quam iidem †oximidam†, nos nervalem appellamus, oportet ieiunum
15 quam plurimam viridem comesse a prima luna ad tricesimam. haec eadem herba ebrio data copiosa in crapula vinum discutit mentemque restituit.

XIII. Item hinnulei cervi coagulum intra novem dies exceptum bene facit ad comitiales morbum. intellegitur autem dierum numerus ex eo, quod iacent aures hinnuleorum primis temporibus, a nono die subrigun-
20 tur. oportet ergo sumere tunc coagulum et arefacere, quo neque sol neque luna accedit, atque inde dare pueris quidem viciae magnitudinis globulum ex aquae calidae cyathis duobus, maioribus fabae solidae magnitudinis ex aquae calidae cyathis tribus per dies triginta. dentur autem aquae purae supra medicamentum cyathi duo aut tres. hoc remedium qui mon-
25 stravit, dixit ad rem pertinere occidi hinnuleum tinctorio, quo gladiator iugulatus sit.